

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), člana 6. stav (2) Pravilnika o oznakama originalnosti i oznakama geografskog porijekla hrane ("Službeni glasnik BiH", broj 27/10), na prijedlog Agencije za sigurnost hrane Bosne i Hercegovine u saradnji sa nadležnim organima entiteta i Brčko Distrikta Bosne i Hercegovine, Vijeće ministara Bosne i Hercegovine, na 13. sjednici održanoj 12. jula 2012. godine, donijelo je

**ODLUKU**  
**O OSNIVANJU KOMISIJE ZA REGISTRACIJU**  
**OZNAKA ORIGINALNOSTI I OZNAKA**  
**GEOGRAFSKOG PORIJEKLA PREHRAMBENIH**  
**PROIZVODA U BOSNI I HERCEGOVINI**

Član 1.  
(Predmet)

Ovom Odlukom osniva se Komisija za registraciju oznaka originalnosti i oznaka geografskog porijekla prehrambenih proizvoda u Bosni i Hercegovini (u daljnjem tekstu: Komisija) i imenuje njen sastav.

Član 2.  
(Imenovanje)

- (1) U Komisiju se imenuju predstavnici sljedećih institucija:
  - a) Dragan Brenjo, Agencija za sigurnost hrane Bosne i Hercegovine - predsjednik,
  - b) Božica Bojović, Ministarstvo vanjske trgovine i ekonomskih odnosa Bosne i Hercegovine - član,
  - c) Ferhat Čejvanović, Vlada Brčko Distrikta Bosne i Hercegovine, Odjel za zdravstvo i ostale usluge - član,
  - d) Dragana Jefić, Ministarstvo poljoprivrede, šumarstva i vodoprivrede Republike Srpske - član,
  - e) Dubravka Čorić, Federalno ministarstvo poljoprivrede, vodoprivrede i šumarstva - član.
- (2) Na zahtjev predsjednika Komisije, mogu se angažovati i drugi eksperti iz predmetne oblasti.

Član 3.  
(Mandat)

- (1) Komisija se imenuje na period od četiri godine.
- (2) Ukoliko član Komisije prestane da obavlja dužnost u navedenoj instituciji koja ga je predložila za svog predstavnika, njegov mandat u Komisiji prestaje, a navedena institucija je dužna u roku od 15 dana, predložiti Agenciji za sigurnost hrane Bosne i Hercegovine (u daljnjem tekstu: Agencija) imenovanje novog predstavnika.

Član 4.  
(Nadležnost i rad)

- (1) Postupak za registraciju oznake originalnosti i oznake geografskog porijekla prehrambenog proizvoda pokreće se zahtjevom koji se podnosi Agenciji u skladu sa odredbama Pravilnika o oznakama originalnosti i oznakama geografskog porijekla hrane (u daljnjem tekstu: Pravilnik).
- (2) Komisija obavlja sljedeće poslove:
  - a) razmatra zahtjeve za registraciju oznake originalnosti odnosno oznake geografskog porijekla prehrambenog proizvoda i predlaže Agenciji donošenje rješenja o registraciji oznake;
  - b) razmatra pristigle prigovore;
  - c) traži, ako je to potrebno, dopunu zahtjeva za registraciju oznake originalnosti odnosno oznake geografskog porijekla;
  - d) razmatra zahtjeve za naknadnu izmjenu i dopunu specifikacije prehrambenog proizvoda u skladu sa odredbama Pravilnika;
  - e) razmatra o zahtjevu za pravo upotrebe registrovane oznake originalnosti odnosno geografskog porijekla.
- (3) Sva ostala pitanja koja su neophodna za rad Komisije regulisat će se Poslovníkom o radu Komisije.

Član 5.  
(Izveštavanje)

- (1) Komisija podnosi godišnji izvještaj o svom radu i stanju u oblasti iz svoje nadležnosti, direktoru Agencije koji ga dostavlja Vijeću ministara Bosne i Hercegovine na usvajanje.
- (2) Komisija podnosi posebne izvještaje prema potrebi, ili na zahtjev direktora Agencije.

Član 6.  
(Troškovi registracije)

- (1) Troškove registracije oznake originalnosti i oznake geografskog porijekla snosi podnosilac zahtjeva.
- (2) Posebnim propisom utvrđuje se iznos i način plaćanja naknade iz stava (1) ovog člana.

Član 7.  
(Naknada)

Predsjednik i članovi Komisije imaju pravo na novčanu naknadu za rad u skladu sa Odlukom o kriterijima za utvrđivanje novčane naknade za rad u upravnim odborima, nadzornim i drugim odborima i drugim radnim tijelima iz nadležnosti institucija Bosne i Hercegovine ("Službeni glasnik BiH", broj 19/09), što će se utvrditi posebnom odlukom.

Član 8.  
(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

VM broj 107/12  
12. jula 2012. godine  
Sarajevo

Predsjedavajući  
Vijeća ministara BiH  
**Vjekoslav Bevanda**, s. r.